

دائرة مخصوصه

درسعادته باب عالی جوارنده

محل اداره :

مشرط القلم

۱۳۲۶

اخطار :

مسلكمزه موافق آثار جديده مع المنوئيه
قبول اولنور

درج ايضه بن آثار اعاده اولنور

دبر، فلسفه، علوم، حقوق، ادبيات و سياست و باطخاصه كرك سياسى و كرك اجتماعى و مدنى احوال و مشوره اسلاميه و بحث ابر و هفته ده بر نشر از انور.

آبونه بدلى

سنه لكى التى آيلنى

ممالك عثمانيه	ايچون	۶۵	۳۵	غروش
روسيه	"	۶۵	۳۰۵	روبله
ساخر ممالك اجنبيه	"	۱۷	۹	فرالق

صاحب و مؤسسلرى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسعادته نسخه سى ۵۰ پاره در

قبرله دن مقوا بورو ايله كوندريليسه سنوى

۲۰ غروش فضله آلنير

عدد : ۱۰۰

۲۸ رجب لفرد ۳۲۸ پنجشنبه ۲۲ تموز ۳۲۶

دردنجى جلد

تشکیل ایشان را! ایشته حکومتتمز بحوله تعالی شو. بجل و مقدس اوردویه استناداً بوکون مسائل داخلیه ده سربست و مسائل خارجیه ده مدعیات مشروعه سی تنفیذ ایتدیرم بیلجک قدر قوتلی در!! بالطبع بلغار جوشقونلقلری شو صررده سینت ویزیتسندن ایلری کچمه جکدر . حکومتتمز بوکچی و زیلتی لر داصلا اهمیت ویرمیوب سلامت وطن یولنده تعقیب ایتدیکی مسلکده بمذالکریم کمال متانتله دوام ایده جکدر!

بوراسنی اونوتیالم که جمعیات غریبه نک احوال روحیه سی بتون بتون باشقدر! بونلر قوت ، زور ، متانت ، عزم و ثبات سورلر!! بتون شئونات حیاتیله لر مادیاتدن عبارت اولدینی ایچون انجق مادیاتی طانیلر! بونلر تواضع ، اعتدال اکلامازلر! بطوار متواضعه یی ضعف ، اعتدالی ناتوانی دیبه تلقی ایدرلر! ضعف و ناتوانی ایسه الک استحقار الک استخفاف ایتدکاری شیردر! بزم زمامداران امور بو نقطه یی دائماً نظرده طوتمایدرلر!!

لکن هریشی یالکیز حکومتک اوموزینه یوکه میه لم! بتون شئونات حیاتیله سی اوچ ، بش کشیدن عبارت اولان حکومته تحمیل ایدن بر ملت ، بر قوم اتحار ایدیور دیمکدر! ایشته یوزلرجه سنه لر در که عالم اسلام بو صورتله اتحار یولنی طوتمشدر! شو عالمک دوچار اوله کلدیکی بتون بالار فلاکتلرک باشلوجه سببی بو حال تشکیل ایدیور! برارده کنیمیزه ، کنیدی تشبثات شخصیله مزه کووه نه لم! برقچ سنه اول تحت اداره مزده بولنان بلغارلردن اولسون بو فکر یولنی اوکر نه لم! بر آوج بلغارستان بلغارلرینک بر آوج ما کدونیا بلغارلردن ایتدکاری استفاده یی اوتوز میلونلق ، عثمانلور یتش میلون ترکلردن و اوچ یوز الی میلون اسلاملردن ایتسونلر! بزده اونلر کچی کنیدی ارامزده جمیتلر تأسیس ایدم ، معلم ، داعی ، واعظ اولام! امرکز خلافت اسلامیه چشم امیدلرینی دکش شوسرچشمه حیلاتدن کنیدیلری ایچون بر تازده روح ، یکی ر حیات بکله یین شو واسع ، شو بی نهایت ترکلر ، مسلمانلر علامه آتیلر! اه! عثمانی عالمی شو بشته ، شو تشبثاته کیرشدیکی زمانلر نه لر اوله جق نه لر! فاعتبرو یا اولی الاصار!

احمد آقاییف

برفرنک نصیحتک ماهیتی

استانبول طبقه منورده سنه درس سیاست ویرمه یه آلیشقیین برفرنک غزنی سی ، پاريسک «تان» ی، کچنلرده ، تورکیه نک اتفاق مشته تقریبندن بحث ایدرکن . شونصیحتلری ویریوردی: «تورکیه مدیران اموری ، هیچ شبهه سز بک اعلا بیلورلر که درعهده ایتدکاری « امر مشکلی (دوات عثمانیه نک امر اصلاح و تنظیمی) باشه چیقارمق ایچون اورویانی تقسیمه دکل ، برلشدرمه یه محتاجدرلر . — یالکیز امورسیاسیه ده دکل ، امور اقتصادی ده ده تورکیه دور حمیدینک ادامه ایتدکدن ذوقیاب اولدینی رقابتدن برشی قراناماز . [«اقدام» ک ترجمه سی ، ۱۳ تموز ۱۳۲۶] «تان» ک بوجهلری ، بر دعوای مجرد غریبته ، اوقویانک نظر

سلاح ایدی! شو سلاح واسطه سی ایله ما کدونیا یی دائماً بر حال خلجان و تشوشده بولندروب بالا خرد ما کدونیا یه تصاحب ایتک خولیا سنده ایدیلر! لاکن حکومت مشروطه مز دور سابقک تعقیب ایتدیکی مسلک مخالف اولارق شو کورولتوری نظراعتباره آلمدی . وچته قانوننک تطبیقنده بیوک برمتانت و عزم کوستردی . مخالفلرک ایدیلری بدرجه یه قدر قیرلدی . اهالی محلیه ایسه چته لک رفع و دفعندن طولانی کوردکاری سکون و آسایشدن محنون و متشکر اولارق حکومت و اداره مشروطیه برقات دها ربط قلب ایتدیلر .

لاکن مسئله بونکله بینه مزدی! زیرا اهالی آره سنده اوتدن بری چته لرایله مناسباتده بولمقده اولان کنیدی معیشتلرینی یالکیز جنایتله تأمین ایتکله آلیشمش و بوندن طولانی سکون و استراحتدن ضرر دیده اولمش بر جوق مسلح عنصرلر محافظه موجودیت ایدیور ایدی . بنابرین بو قیل عنصرلرکده صلح و مسالمت دائره سنده کچنمکه اجبار ایدیلرلی الزم ایدی! والا بوکچی لر مسلح بولندقچه حضور و سکونک اهالی آراسنده بر قرار اولمه سنه پیدای اطمئنان شبهه سز که قابل دکلدی! بونک ایچوندر که بو دهمه ده حکومتتمز روم ایلی اهالی سندن — بلغارلرده داخل اولدینی حالد — سلاحلرک انفسی امر ایتدی!

بلغار رجال دولتی و مطبوعاتی شو امردن طولانی قزمشدر! بو بک طبیعی بو حال در! زیرا بلغار ارباب مفسد سندن سلاح آلفق ، بونلرک مابقای امیدلرینی بتون بتون محو ایدیور! اوتهدن بری «بیوک بلغارستان» خولیا سی ایله مشوش الدماغ اولان و دندان حرص و طمع لرینی ما کدونیا یه اوزاتمش اولان بلغارلر مایه امیدلری بولنان فسدنه نک ما کدونیا دن قالدیرلمسینه میدانده برشی قالمایه جفنی تخمین ایتدکلرندن طولانی چیلدیرمشدر! انصل ، بتون بر امیدبتون بر استقبال محو ایدیلوب کتسون! خسته آدم دیلان و مال موروثنه مال اوزادیلن بر محتضر بردن بره نصل اولوب ده بو قدر آثار حیات کوسترسون! ایشته عثمانلورک شو فعالیت قارشوسنده بلغارلر کنیدیلرینی غائب ایتدیلر!

بنابرین شو حالت روحیه و شو خیبتک آثاری اولارق بلغارلر حکومت عثمانیه یه میدان اوقویوب مسائل داخلیه مزه مداخله ایتک خولیا سنه کیرشمشدر! بزی کورولتویه بو غمق ایستیلورلر! لاکن هیات! بک کچکمشلردر! روس دوما سی اعضا سندن میلوی کوفک یدی — سکیز آی اول دیدیکی کچی: بلغارلر کنیدیلرینی شمیدی تأمین ایتملرسه هیچ بر زمان ایده میه جکدر . و یاخود بلغارستان مطبوعاتنک عین زمانده «فرصت الده ایکن عثمانلورده اعلان حرب ایده لم والا بک کیچ اولاجقدر .» سویله ییش موسمی کچدی!! اولیه کچدی که بر ده ها عودت ایده مز . مدار افتخارمز اولان محمود شوکت پاشا حاضر تلرینک بر آی مقدم مجلس مبعوثان مواجهه سنده: «بحمدالله اردومز بوکون ایسته دیکمز درجه ده اکمال ایدلمه مش سده ده دنیا ده بشنچی اردو صره سنه کچدیکنی و بالقانلرده ساکن بتون حکومت صغیره یه یکدن مقابله ایده جک قدر اولدینی سیزه تدبیر ایدرم» بیورمسی بتون عثمانلورک و عالم اسلامک قلبه مسرت و فرح امیز امیدلر بخش ایتکله برابر بلغار رجال دولت و مطبوعاتنه الک قاطع و الک فصیح بر جواب بلیغ

دقتی، در حال جلب ایدر؛ چونکه دولت عثمانیه نك بقا و سلامتك عوامل خارجیه سندن بریسی، رقابت و منافسه دولیه اولدینی اوتهدنبری معروفدر. لیکن فرانسه خارجیه نظارتك مروج افکاری اولقله مشتهر واوروپا جراند یومیه سنك اك جدی واك وقارلرندن معدود بوفرانسز غزیه سنك كمال جدید واهمیتله، تورکیه مدیران امورینه ویردیکی بونصایح خیرخواهان، فرانسه نك خلوص و محادتنه قانمش بعضی دماغلرده: «عجبا اوفكر معروف ساده وعامیانه بردوشنجه دن نشأت ایتیمورمی؟» عجبا اوروپا نك اتفاق وائتلافی دولت عثمانیه حقیقه دها زیاده فائده بخش اولمازمی؟» کبی ترددلر تولید ایدیلور، بوترددلرک ازاله سیچون، ینه فرانسلر طرفندن یازیلش آثاره. اما بوسفر تورکیه مدیران امورینه نصیحت قیایقلی دکل، بلکه کندی وطنداشلرینه تصریح حقایق یوللی یازیلش آثاره - مراجعت اولمیدر.

اوروپا دولترینك علی العموم عالم اسلامه وعلی الخصوص تورکاره قارشى ماضى وحالده آلدقلى وضعیتی ایضاح ایتك اوزره، «رهوو ده دوموند» رساله سنك مدیر سیاسیی رونه بینون، باقکیز نه لریازیور: «ارض مقدسك، جنوبی اسپانیانك. آق دکر اطهرلینك صاحبی اولوب کیلری بحرسفیدی طولدیران مسلمانلرک وعلی الخصوص، صوکر ددن اسلام هجومی یکی برشوق وشدتله دوام ایتدیرن تورکلرک تأثیر یله درکه نصرانی اوروپا تأسس ایتدی؛ اسکی روما وحدتی یرینه وحدت نصرانیه فکری قائم اولدی. فرانسه بو عالم نصرانیتك باشنده بولنیوردی؛ فرانسه اهل صلیب سفرلرندن بری، عالم نصرانیتك خصمه (یعنی مسلمانلره) قارشى چیقاریلش پیدشدارى کیدر. خرسیتیان قرالارک آزارنده نزاع وغوغا اکسیك اولماقله برابر، وحدت نصرانیه فکری باقیدر، بوجهتله حرب مشروع عالم نصرانیتك عدوسیله (یعنی مسلمانلره) حربندن عبارتدر، برخطر ملحوظ اولدیمی، بوتون عالم نصرانیت، عدومشترک (یعنی مسلمانلر) قارشوسنده، در عقب برلشیر. اشبوفکر، اوروپاده عصرلرجه برحیات قالاچقدیر؛ فیلسوف لایپنیشک (لایپنیش اوزسکیزنجی عصر میلادینت باشنده اولمش حکمای مشهوره دندر) آثارنده بوفکری کوریدر. حتی شمعدی، بوکون بیله وحدت نصرانیه فکری، کرچه برآز قوتدن دوشمش، برآز اویومش، فقط برتهلکه مشترکه ظهورنده علی المعجله وشدتله اویانمیه حاضر اوله رق آرامزده بشاور «R. Pinon — L'Europe et... [l'Empire ottoman Paris. Perrin '998. T. 541.] بو-وزلردن

اکلاشایدورکه عالم نصرانیت ده، شریعت اسلامیه کی، دنیایی دارالنصاراء دارالحرب اولقی اوزره ایکی به آریور؛ دول افرنجی نك شمعدی به قدرائتلاف وفاقلری دائم اسلام ویانورکار عامیه، دها عمومی برتعبیرایله عالم نصرانیت دشمنلرینه قارشى اولاکلشد. اگر عالم نصرانیت برتهلکه یه اوغراسه، بوکون ده، طبق قرون و-سطی ده اولدینی، اوزره، وحدت نصرانیه فکری طالبدینی اویقودن صجرا یوب اویانا جق وسلاحلاروب عالم اسلام قارشیسنه چیه جقدر. ذاتاً بونك دلیل فعلیسنی هرکون کوروب طور مقدماتی: عالم اسلامده آز جوق آثار انتباه طویولورطویولماز، دول نصرانیه اسلام علیه کی فعالیتلرینی

آرتدیرمه یه باشلادیلر. «عالم نصرانیتك رئیس» اهل صلیب سفرلرندن بری «خرستیانلغك عالم اسلامه طوغری چیقاردینی پیدشدارى» اولان «کلیسانك بویوک قزی» فرانسه نك بر قسم افکار عمومی سنی تمثیل ونظارت خارجیه سیله مقاصدینی ارائه ایدن «تان»، بوندن بر ایکی آی اول، مقالات متوالیه سنه، انتباه اسلام تهلکه عظیمه سنه مقابل، بوتون دول نصرانیه نك ائتلافلرینی توصیه ایتکده دکلیدی؛ [«کرسى ملل»ك صوك نسخه سنه مراجعت بویورولس-ون.]

حاصلی، بالذات محررین افرنجیه نك ده اعترافلری وجهله، بوکونه دکن و بوکون ده اوروپا دولترینك شرق وعالم اسلام حقنده ائتلافلری انجق بونلرک ضررینه حاصل اولمش ویا تصور ایدیلشد، بناء علیه تورکیه مدیران امورینك اوروپایی برلشدرمه یه چالشمه لرنده، دولت عثمانیه ایچون بر منفعتك وجودی فرض اولونماز.

اوروپا دولترینك رقابت و منافسه لرندن، اختلاف و منازعه لرندن دولت عثمانیه نك مستفید اولوب اولیه جفته دائر بر فکر سهالم ایدنك ایچون، ینه فرنك محررلرندن بریسی اوقویالم. مستقبلده مملکتلرینك مدیران اموری اوله جق فرانسلر کنجلیینه، دارالفنون تاریخ وادبیات شعبه سنده، دارالمعلمین عالییه ده وعلوم سیاسیه مکتبده تاریخ سیاسی اوقوتان بر مدرسك، پروفیسور امیل بورژوانك سیاست عالم حقنده کی فکرلری شه مسز، اعتماد پک شایاندر. بو ذات، «تاریخ سیاسی» خارجی» عنوانلی اثرینك ایکنجی جلدنده، نابولیونك ممالک عثمانیه یی - طبیعی آرسلان پانی کندیسنده قالمق اوزره - تقسیم ایچون صرف ایلدیکی فمایت مدهشینی اوزون اوزادی یه اکلاتورکن شونلری یازیور: «نابولیون ایتالیانك تقسیمى آوستریالیرله، آلمانیانك تقسیمى «پروسیالیرله، بوتون اوروپانك تقسیمى روسیا ایله مذاکره یه باشلادیغندنبری. مذاکرات سیاسیه نك هیچ بریسی، سلطنت «عثمانیه نك تخریب و تقسیمى حقنده ایدیلش مذاکرات قدر اوزون مدتی وجوق زحمتی اقتضا ایتدیرمه مشدی. اوروپانك قوی افندیسی «ایچون، انحطاطی غایتله ظاهر بو سلطنت فرتوته، پک سهیل الصید «بر شکار کبی کلیدی. لیکن قرق سنه دنبری، تورکیه دن دها آز «ضعیف بر قاج دولت، قومشولرینك مشتهیات مزوجه لرینك قربانی «اولوب کیتمش ایکن، بو مسلك تقسیمك مستند اولدینی اساسدرکه «تورکیه نك تقسیمنه ممانعت ایلدوردی. فی الحقیقه، شدت وجهله دن «عبارت بو مسلك ده کندینه کوره بر قاعده سی واردی، اوقاعده «ایسه تقسیم اولونمش مملکتدن مقسملرک آلدینی پارچه لرک بر برلرینه «تماماً معادل کله سیدر. حالبوکه سلطانك ممالکی، مساوی ویا معادل «قسملره اصلا بولونه من. مثلاً فرانسلر سوریه ومصری آلورسه، «انکلیزلر کندیلر ایچون بونك معادلنی بولامازلر؛ نابولیون کلنجه سوریه «ومصری انکلتریه برافقدن ایسه، دولت عثمانیه نك تقسیم اولنما سنی «ترجیح ایلر. — استانبوله مالکیته ک دول معظمه دن بریسنه ویره جکی منافع «اوقدر عظیمدرکه دیگرلرینه اوکا تقابل ایدد بیله جک تعویضات بولقی «غیر ممکندر. استانبول، آوستریالیر ایچون بالقانلرک، روسلر

کرك. باخصوص كه شو عالم هنوز كندينه صاحب اوليوب حياتنك دوام وبقاسنى بشقه لرینك مرحمت وشفقتندن بكلیور. هله بو عالمك ایران پارچه سى روسیه به يك سهیل الهضم كوریلیوردی. ایشته بوکا مبنیدر كه روسیه حكومتی ایرانله علاقه سى اولان انكیز دولتیله مسازعه معاهده خفیه عقد ایده رك طهران قدر بتون شمالی ایرانى تحت اشغاله آلدی. اتفاق متلندن تریل تریل تیره من انكیزه ناچار قلاقرقا همی مهمه تقدیم ایله دشمن طبعیسی اولان روسیه نك ایرانك نصفه مالك اوله بیلمه سینه مساعده ایتدی. آلمانیه نك دهشتلی سونكیلری وكوندن كونه كسب سطوت ایدن فیلوسی انكیزلری شو فداكارلی اجرایه سوق ایدن اسبابك اهمیتى تشكيل ایدر.

روسیه، ایضاحات طلبنده بولونان آوروپایه قارشى ایرانك هرج ومرجده اولان حالى كوستره رك منافع تجاریه، و تبعه لرینك لزوم حایه ومدافعه سى ایلری به سوروب موقت اشغال عسکرینك ضرورى اولدیغنى دریان ایتدی. حالبوكه موقت اشغال دهابادى امرده اشغال ابدى صورتی آلمنه باشلادی. چونكه عسکر او طوران يرلك هپسند قیسه لر وحق کلیسار تأسیسه باشلاندی. بوندن ماعدا روسیه دولتك تأمیناته رغبأ روسیه مأمورلری، سفیری، قونسولسلى وعسکری قوماندانلری ایرانك داخل ایستارینه قاریشمقدن هیچده كرى طورمادیار، بو باده وثائق يك چوقدر. مطبوعاتی نظردن كچیرنلر وقوعاتك برچوقنه وافف درلر. بزبالكز صوك حادثه لری اخطار ایدلم:

روس قازاقلاری ایران حاکم لرینی بیله قامچی آلتنده ازمكدن چكیم یورلر، والیرك عزانی طلب ایدوب موفق اولیورلر، بوندن بر قاج کون مقدم بحر حزر ساحلنده کی ایران شهرینی بر روس کمیسی طویلرله تخریب ایتدی، غاز دوکوب بتون اولری احراق وچولوق چوققلری طاغله، اورمانلره چکیمکه مجبور ایتدی. ذوات معتبره در اون ایکی کیشی توقیف ایدوب کوتوردی. بوکارقاشی حكومتك شدید پروتستولرینی حالاده دیکه مك فکرینه تنزک ایتیمور. روسیه آژانته لری ایرانى بر دقیقه کندی باشنه براقق ایستیمورلر، روسیه پاره لری سیل کی خائن وفسادچیلرک جیلرینه آقهرق ایرانده ایشلرک ایلروله سینه هر درلو ممانعت ایجاد وابداع اولیور.

پارتی جیاق، عداوت، تفرقه وهرج ومرجی موجب حالات هپسی روسیه آژانته لری وروسیه پاره لری ایله احداث ایدیلور. حتی بو آنه قدر حریت وتری پرورلکیله معروف اولوب روسیه علمپنده مجاهده ایدن نجف مجتهدلری شمدی روسیه یی التزام ایتکه باشلامشله و آلدیغمز موثوق خبرلر مستقداً دییه بیلیرز که شوتبدلاتكده سبی بغداد قونسولوسی، ارقوفاک واسطه سیاه مجتهد آغا کاظم المازاندا ریفک اوغلنه وشیشخ جواد الاغیه ویریلن مقدار کلی پاره لرك تأثیریدر. شو مجتهدلر، حریتی مدافعه ایدن «ایران نو» و «شرق» غزته لرینی تحریم ونکفریه وایرانی روسیه به صائمق طرفدارى کیسيلمش اولان سپهداری تحت حمایت لرینه آلمنه قدر واردیلر.

«ایچون قره دکزک، فرانسزلر ایچون آطه لر دکزینک آناختاریدر. «تیسیت مذاکراتی استانبولک مستثنا وضعیتنی کالیله ایضاح ایتدی. «الحاصل تورکیه ده تقسیم مسلکی تطبیق اولوناماز، لهستانی تقسیم «اولونیه محکوم ایدن اساسلر، دولت عثمانیه یی تقسیم اولونمقدن «تخایصه خدمت ایلرلر. وفی الواقع دولت عثمانیه حالایداردر، لهستان «ایسه تکرار تأسس ایدمدی. [E. Bourgeois Manuel] historique de politique étrangère. Paris, Belin frères. — 1900. [p. 329—330.] مورخ بورژوانک بومطالعاتی، او عامیانه کوریلان ادعای تأیید ایتمکدن باشقه برشی یایمور. برچوق دفعه لر بوسبوتون تقسیم اولونمق تهلمک سنده قلمش ایکن، دولت عثمانیه نك حالا پایدار اوله بیلمه سى، قابل تقسیم اولامه سندن، ده اطوغری بر تعبیر ایله پارچالامق ایسته یی دول نصرانیه نك آرالرنده اوپوشامه لرندن، یعنی اختلاف ورقاتلر ننددر. «نان» ک تورکیه مدیران امورینه: «اوروپانک تفرقه جایشمايك، دور حمیدینک ذوقیاب اولدیغی رقابت دولیه یی ادامه به اوغراشمايك» دیه سى، نه یاپارسه کز یاپک بریولنی بولکده کندیکنزک قابل تقسیم اولدیغکزی، دول نصرانیه به اثبات و اظهار ایله يك دیمکدر؛ زیرا دول مذکور نك دولت عثمانیه امورنده اختلاف واتفاقلری، آنجق بزم تقسیم مزده اوپوشه بیلمه لر یله ممکندر.

آ. ی.

عالم اسلام وروسیه

شو صوك كونلرده آلفنده اولوب یوماً فیوماً تأید ایدن خبرلر شمدی به قدر بزم ایچون مبهم قالان بر چوق مسائلک ماهیت لرینی توضیح ایتمکده در. روسیه حكومتك كرك روسیه مسلمانلرینه قارشى تاریخده مثلی غیر مسبوق ابراز ایلدیکی طرز جدید حرکت، كرك ایرانده ارانه ایلدیکی شکل فعالیت، كرك بالقانلرده آلمق ایستدیکی وضعیت و عثمانی حكومتیه قارشى بو صوك زمانلرده ساحه سیاسیا ته چویردیکی دولاب مکیدت بیوك اهمیتى حائزدر. بویله اولدیغی حالده «زوك ترك» جریده سندن ماعدا عثمانی مطبوعاتندن هیچ بریسی حقیقت حالى عثمانی ملتیه صراحة سویلك ایستیمور کی کوریلور. اسبابی تحلیللندن صرف نظرله کیفیتی قارئلرک انظار متبصرانه سینه حواله یی داها موافق بولورز. میدان سیاستده نفوذ وحیثیتی و بین الملل موقعی چوشیا، بوز آرتور، ایلاویانغ، موقدن هزیمتلرندن صکره بتون بتون غائب ایدن وداخلده اداره حكومتی ماته تودیع ایدیور کی کوزكك ایسته یی روسیه حكومتی هر وسیله وواسطه دن بالاستفاده کندیغی طویلار طویلاماز خارجه ییله اسکی موقعی استرداد ایتکه شتاب ایتدی. اقضای شرفده آغزی یاغش، غربدن ده اوتنه دئبری بدغاصبانه سنى چکمش، چکمه که مجبور اولمش اولان روسیه طبعی کوزینی یالکیز هر کسك انظار طمعنی جلب ایدن عالم اسلامه دیکمه که مجبور اولسه